



RVSSIA
seu
MOSCOVIA
itemque
TARTARIA
Commentario Topo-
graphico atque
politico illus-
trata.

LYGD. BATAVORVM
EX officina ELZEVIRIANA.
ANNO MDCCXXX.
Cum privilegio.

QVÆ IN HOC

commentario continen-
tur hæc sunt :

R V S S I A.

I.

R V S S I Æ topographica
descriptio, è probatissimis
autoribus compendio de-
prompta.

II. *Soli cœlique qualitates; fru-
ges, aliaque commerciis apta.*

III. *De ingeniis & moribus in-
colarum.*

IV. *Regimen politicū & civile.*

V. *Reditus Principis, quibus re-
bus consistit.*

VI. *De moneta Russica.*

VII. *De militia Russorum.*

VIII. *De familia magni Ducis
Muscoria, & principum successione.*

IX. *De Samoiedarum moribus.*

X. *Magnus Moscorum Dux.*

TARTARIA.

I.

EXcerpta è Michalonis Lituani fragmentis de moribus Tartarorum.

II. De Tartarorum origine, moribus, tam domi quam in bello, disciplina. E Thuano.

III. Tractatus de Tartaris Præcopensibus, Chersonesius, & Bosphoriis.

IV. Martini Broniovii de Biezdzfedeæ, ad Tartarum legati, Tartaria.

V. Excerpta quadam ex Sabellico, aliisque.





I.

R V S S I Æ T O P O G R A P H I C A
descriptio, è probatissimis autho-
ribus compendio deprompta.

R V S S I A, quæ & Muscovia à
metropolios nomine vulgo di-
citur, fines habet ad arctum
Lappiam, & oceanum septen-
trionalem; ad orientem Tartaros Na-
gaios; ad meridiem Tartariam Cri-
mæam sive Perecopensem; ad occidentè
deniquè Poloniam, Lithuaniam, Livo-
niam, Sueciam. Quemadmodum jam
uni Principi paret, continet provincias
hasce: Volodemeriam, Moscoviam,
Nisnovogrodiam, Pleskoviam, Smo-
lensko, Novogrodiam Velicam, Rosto-
viam, Yaroslaviam, Bealezeram, Rezam,
Dyvinam, Corgapoliam, Meshoram,
Vagham, Vstugam, Galetsam. Quibus
superiori seculo Principes Rusiæ ar-
mis acquisitas adjunxerunt Tiverram,
Yonghoriam, Permianam, Vadskam,
Boughoriam, Chernigo, Oudoriam,
Condoram, & magnam Siberiæ partem;
cujus incolæ licet non sint Russi, tamen

A 3 parent

M O S C O V I A E.

les Russiæ Duci pro tributo ferunt. Nullæ hic urbes aut arces, ac ne pagi quidê.

Lucomoria Regio.

Hæc Regio longo tractu juxta mare septentrionale protenditur. Incolæ passim in sylvis & campis degunt. Huic regioni confines sunt; Grustintzi & Serponovtzi, à castro Grustina ad lacum Kitaysko sito ita dicti. Ab hoc lacu homines nigri, communis idiomatis ignari, ad Grustinam arcem solent accedere, varias merces deferêtes, præcipue uniones, gemmasque varias, quas Grustintzî ab ipsis permutatione mercantur. Omnes autem Lucomoriæ incolæ magno Duci sunt vestigales. Ex Lucomoriæ montibus Cossin fluvius oritur, qui in magnum fluvium Tachuin descendit.

Loppia Regio.

A Lucomoria ultra tendendo secundû mare glaciale Loppi populi agunt, barbarum & brutum hominum genus, qui incertis sedibus vagantur, piscibus & ferina victitâtes, & panis usum omnino ignorantes. Idioma proprium habent & Russiæ Duci tributum pendere dicuntur. Regio illorum frigidissima est.

Ceremissi populi.

Ceremissi, Mordovotes, & Vachines, inter Viatkam & Vologdam provincias, vastas sylvas sine certis laribus